



國家清史編纂委員會・文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 二九八

援鵷堂詩集七卷 援鵷堂文集六卷 姚 範 撰

一

捫心齋集四卷 康載澍 撰

一三九

隱拙齋集五十卷 隱拙齋續集五卷 沈廷芳 撰

一九三

嘉慶壬申鐫

援鵷堂詩集

桐城縣志儒林傳

姚範字南青刑部尚書文然曾孫祖士基羅田知縣父孔鏌邑增生蚤卒母太僕卿任奕鑾女守節撫範及弟淑範孝友好學博文彊記及冠與同里葉酉王洛劉大槐方澤諸人約爲舉世不好之文故所撰述無不氣體高古沉摯博麗天台齊召南山陰胡天游常熟邵齊燾仁和杭世駿皆推重之中乾隆丙辰舉人壬戌進士選庶常授編修充三禮館纂修甲子科順天鄉試同考官是時桐城張氏方盛居要職者簪紱相望範獨以品節自勵無所干謁錢塘袁枚蚤入翰林文名盛都下一時爭以詩文贈送袁欲得範一言竟不可在翰林不十年卽致仕歸生平博極羣書自經史以逮百家天文地理小學訓故無不淹通明貫而倫理日用纖細不遺律已嚴恭與人和易自少至老未嘗一日廢學蓄書十萬餘卷一皆手自論訂披校考正譌謬人爭寶之顧不肯著述或有竊其書爲名者亦不之問學者尊之皆稱薑塢先生以爲

援鵷堂全集

本傳

一

國朝以來通如亭林精如義門範殆兼之或有勸
著作者輒笑而不言既卒其曾孫瑩乃掇拾緒餘
編輯之爲援鵠堂詩集七卷文六卷經史子集筆
記四十六卷

援鵠堂全集

本傳

二

姚氏長嶺阡表

惜抱軒文後集

姚氏自餘姚遷桐城始遷曰勝三公勝三公後四世以
農田爲業五世爲明雲南布政司右叅政諱旭有政績
而貧叅政卒子孫復修農田三世皆有隱德叅政四世
孫諱自虞爲諸生其子諱之蘭爲汀州府知府加按察
副使銜所歷海澄縣杭州汀州二府民皆爲祠以祀叅
政副使仕績明史皆載入循吏傳副使之子諱孫棗仕
爲職方主事職方之子文然仕 國朝康熙時以刑部
尚書終諡曰端恪至 世宗時追論先朝名臣思其
賢詔特祠春秋祀焉祠今在城東門內端恪公之第四
子諱士基以舉人爲羅田縣知縣羅田民以奉入名宦
祠羅田府君之次子是爲贈編修公鼐之祖也年二十
六而卒配任太恭人賢孝秉節上奉姑下教二子長子
爲翰林院編修諱範次子爲贈禮部員外郎諱淑蘊之
考也贈編修公承累世賢哲之遺風敦行勤學而不幸
無年編修府君旣孤憤發策勵外友天下賢俊以相資
長爲詩古文辭故同里則劉才甫山陰則胡稚威常熟
則邵叔白皆編修所尤厚也而編修自沈寃遺經綜括
先儒茹精晰微萃成已得然仕爲翰林數歲不究其用
而歸歸著書亦未及竟而卒此天下士所共爲數惜也

援鵠堂筆記

阡表

一

當端恪公薨羅田府君買得墓地居長嶺之巔去城七
十里將葬端恪而羣從子以爲遠僻不用乃別葬後羅
田府君卒亦別葬羅田長子中書公與贈編修公相繼
沒矣而故買長嶺之山其契藏族君子來安訓導文默
之荀吾家不知也有謀葬地就來安求售來安不許然
後吾家得聞任太恭人乃命編修兄弟奉中書及贈編
修公合葬於此山雍正之六年也又其後編修公沒未
葬任太恭人及龜父贈禮部公皆別葬矣龜與伯兄昭
宇乃奉編修及伯母張太宜人合葬贈編修墓下之右
其時龜繼妻張宜人亦未葬又葬於編修張太宜人塚
援鵷堂筆記 阡表

右時乾隆五十二年也故姚氏之阡爲塚三而有五極
焉自是後又二十年贈編修公諸孫盡喪獨龜存懼舊
德遺事泯不聞乃謹書以列諸隧左中書公諱孔鐸字
振修康熙三十九年舉人候選內閣中書舍人康熙四
十九年卒年四十一娶廣德州學正方曾祐女生二子
興漢興漢二孫漣支幹贈編修公諱孔鐸字瓊修縣學
生康熙三十七年卒贈承德郎翰林院編修累贈朝議
大夫禮部儀制司員外郎娶懷寧任氏大理寺少卿諱
奕璽女生二子有八孫編修子曰縣學附貢生昭宇南
寧府同知義輪舉人登監生勛隆縣學增生斟元贈禮

部子曰刑部廣東司郎中龜候選州吏目訂附榜貢生
鼎編修府君始名興涑今贈編修墓所列其舊名也後
改名範乾隆七年進士改庶吉士授翰林院編修乾隆
甲子科順天鄉試同考官三禮館纂修官乾隆十五年
歸里乾隆三十六年卒年七十娶縣學生贈內閣侍讀
張若霖女乾隆三十九年卒年七十四今合耐焉生子
五龜始娶張宜人卒繼娶張宜人乃前婦共五世祖妹
也爲屏山縣知縣張諱曾敏女其始權唐龜有銘矣茲
不具

援鵷堂筆記 阡表

三

援鵲堂詩集目錄

桐城 姚範 南青

第一卷

古近體詩六十三首

第二卷

古近體詩四十九首

第三卷

古近體詩七十一首

第四卷

援鵲堂詩集 目錄

古近體詩五十九首

第五卷

古近體詩五十五首

第六卷

古近體詩五十八首

第七卷

別錄詩二十八首

援鵲堂詩集卷一

桐城 姚範 南青

古近體詩六十三首

君馬黃

君馬黃臣馬驪豈曰不思與子同來翩翩者逝邈不可追

君馬黃臣馬白君願馳以南臣猶遲以北願君相思聊焉止息

怨篇

援鵲堂詩集 卷一

有枯者柳植彼道周灼灼紫芝蔽於叢條我欲除之愧乏純鉤泛泛者鳬在彼中流弋言從之遠不可舟製裘不衣寒深其肌借車不馳足爲之疲鬱彼原棘有累其實絮之盈把不可以食載馳載驅白日其除獸號鳥息胡不歸乎子之居

捉搦歌

駿馬生代北蹀躞非舊土男兒曳長裾故鄉無片縷

村南吹竽社北擊鼓童男迎新神父老嫁少女

雜詠二首

黃狐廁社南雄狐凭社北猛虎夜渡河獨吼南山
側老烏刺促西南飛羣鴉決起四天黑

有網不舉北海魚有弓不射南山虎孤鴻拍拍西
南飛張我弦控我弩

讀史

鼃紫既燭熄漢道炳朱光真人起白水河圖協會
昌於赫建武世景燦逮明章芝醴日翕集禮樂何
規煌邈矣跨千載懿哉冠百王誰知運期氏遼遼

援鵲堂詩集 卷一

歌未央驅馬去國門哀茂惜餘芳乃悟古人心故
非羣所量雲臺繪四七賦頌侈班張以質賃春士
不足揚粃糠悲哉璿樞運河海流湯湯皇王若夢
覺天地就尤凉斯人不可作慨焉我心傷

王莽傳贊
紫色龜聲

當塗竊國枋八紘掩中州隋珠既在握荆璞亦冥
搜繇朗黜廟議揚班爭匹儔漢典何郁郁學辭良
優優南皮清宴接西園秉燭遊謂當致高蹈何意
摧華輶體弱既足病肥瘵亦爲羞空文俸日月楨

委山邱遂使三公位徒嗷孫仲謀

吳蜀云鍾繇王朗雖名爲魏卿相至于朝廷奏議皆關筆不能措手王粲傳時舊儀廢弛與造制度繁恒與之典論斯七子者於學無所遺於辭無所假魚豢引章仲將云仲宣傷于肥體休伯都無檢格元瑜病于體弱孔璋實自處疏如是彼爲非徒以脂燭自煎糜也其不高蹈有由矣魏文帝用賈詡爲三公孫權笑之見賈詡傳注

西園既諸價左騶督禮錢五百意未殊小靳可萬
千此例遂垂則意氣匪魚鱸垣閤拘被賤士操危
不全日進尙未足月進豈待宣判官及刺史繹繹
連車船我聞畜洵河終日循洲塹魚蝦雖滿胡吐

援鵲堂詩集 卷一

去不填咽又聞韓鷺鳥雉兔飽霜奉食之僅一櫛
縱掣肘條鏐嗟哉中林卉侯栗傷屈卷矯翼雲天
際冥冥反鵲爲小雅今已廢斯義其誰箋空懷皇
古世德至珠藏淵

遠馮辭荆政暑氣而繭衣王子逃丹穴越人薰出
之高位患疾顛畏死良可悲丈夫非瘡楚何可同
支離始志六百石進退脫銜羈顧盼躋端揆驥首
希台司富貴偏人來婉孌參璿璣從容入左腹語
笑宜夸毗但見飽從諛誰復知瑕疵一朝榮華歇

衆美成癡厖上尊兼養牛白馬相追隨門無青蠅
弔魂有黃犬啜始悟斷其尾雞憚爲人犧端冕視
牢柵豢彘之所非

王子搜事見莊子讓王篇耳飽
從諛之說陸士衡豪士賦序

過虞姬墓

帳下歌殘菱玉枝紅顏何計戀烏騅君王事去惟
憐妾豎子名成欲向誰夜雨江空神女夢春蘭香
歇杜鵑悲淒涼一種芳魂草猶傍嬋娟學舞時

亞父祠

援鵲堂詩集

卷一

四

秦王虎視蒼生伏中原鹿走羣雄逐白璧來遺高
池君道上秋風鬼母哭西望太白經天長蚩尤之
旗指四方大澤一呼羣狐嘯揭竿初起夥涉王沛
上風雲起芒碭會稽斬守佩秦章居鄴老翁年七
十髮短種種心何長三戶亡秦立楚後鉅鹿蹙戰
咸陽亡旌旗岌嶮鴻門高戟光如練風騷騷座上
真人氣龍虎東向西向羅英豪珮玦三提王不語
撞殘玉斗空心勞可憐失手一不擊遂令戰血塵
成臬憶初佐羽決雌雄咄喑顧盼生英風顏頰信

越猶貔虎卓落膝走侯王公天下之事大定矣指
顧茅土期元功一朝黃金散曲逆君王反顧疑臣
躬八載奇謀安足惜鴻溝不得割西東雒陽置酒
漢家興與王慷慨憐臣增四面楚聲圍垓下但泣
美人歌寶馬

過項王廟

中原逐鹿竟歸劉霸業從教一戰休龍虎早成天
子氣侯王尙待故人頭河山有地封屠狗子弟無
鄉望沐猴日暮江東何處是滿天風雨不勝愁

援鵲堂詩集

卷一

五

別詩

舊譜飄零壁月殘東山空憶舊清歡他年紅豆歌
天寶也抵金人泣露盤
鵝籠酒醒漏聲遲石闕銜悲杜宇知珠樹綺寮明
月在乳鶯雛燕傍鴉鴟
楊柳蕭蕭喚奈何曉風殘月舊情多可憐法部仙
音伎都作人間薤露歌
一曲清歌杜麗娘珊珊夢裡返魂香而今風冷梧
桐死無復當時舊鳳凰

千年小別暫勾留夢去真成一錯休華表鶴歸春
事晚斷腸車子轉歌喉

吳頭楚尾路依稀下上春波燕子歸十二珠樓齊
捲箔多情還掠舊巢飛

春怨

長信宮中草春來滿舊除不憂侵玉鳥但恐碍金
輿
素班姬怨鴛鴦趙女居遙看深夜月清淚滴
方諸

楊白花

援鶉堂詩集

卷一

六

楊白花春風飄蕩落誰家東風澹蕩日千里暮雨
飛花相婉委楊花日渡空江頭芳草芊芊春水流
楊花暮渡空江曲明月澹澹依星宿花去江南辭
故枝樹植深宮猶含綠繡闌春暖日初長銜情盼
景惜流光但願百花無顏色休更逢春空斷腸

怨歌

葵藿傾太陽日馭不迴車商羊肆其爪雨滴驪龍
鬚物性豈或異所感不相如示人以肝腸未若顏
敷愉顏色敷愉人所愛肝腸雖好焉可輸

戲簡友人

苗裔初花照玉池寶釵明鏡影參差驪駒白馬人
歸日桂帳華燈客去時清露鶴知仙掌重銀河鵲
渡彩雲移碧天珍重涼如水取冷中庭夜月遲
撥穀初飛陌上桑池塘蒲結雨鴛鴦雲中射雉青
蛾轉肘後探囊玉臂藏坐久銖衣嫌素月病餘麝
火怯濃香嫦娥却記瑤天夢桂樹鳴啾九鳳凰
有子故云

長干竹枝

援鶉堂詩集

卷一

七

楊柳春風拂小樓樓前終日看行舟悠悠一道秦
淮水送盡離人到白頭
白門烏帽是儂良生是南人嫁北商羊酪胡葱都
不愛碧甌親注火前香

羽獵曲

霜草寒枯萬木凋羽林三萬擊弓彊齊呼萬歲車
輪落恰是君王箭中雕
羽騎貂裘朔雪飛連營虎落割鮮肥千行獵馬嘶
風遠火照旌旄正夜圍

偶書

滄海流不息日月人空老富貴祝長年貧賤委秋草

齋中讀書

古巷悄無人層雲靄虛晝空庭老樹清積雪明窓
牖我本孤棲士親交少燕酢道心存寂寥寧能避
河詬蕭散坐虛齋卷帙紛左右俯讀生止觀琅琅
金石奏破壁慘寒顏况乃淒風逗興酣不復知丹
鉛覺肌皺上覽黃虞初下至三季後欣賞誰與言
援鶉堂詩集 卷一 人

日暮鳴颺颺

晚望

碧雲夕已合漠漠江村樹古寺一燈深孤僧臨野渡

登樓懷劉三畊南

水煙寥廓數峯青何處孤鴻入杳冥一夜梅花江
上落天涯曾向笛中聽

江上阻風

幾日客程盡涼深夢不成荒江秋雨急古樹一舟

橫漁火依楓岸寒蛩鎖夜鳴長年吾念爾終歲此
宵情

登翠蘿山坐石樓望雨

黯慘神靈意蒼茫萬里流龍吟雲滿谷山暗水浮
樓梵殿空堂暮苔深古殿秋去帆乘暝漲何處泊
沙洲

寄友

霜風冽冽吹枯枝鴈鵝慘慄凍不飛黃河濁流冰
互結有客騎驢來京師京師九月燕山雪冷刺肌
援鶉堂詩集 卷一 九

膚利刀割富兒勝衣貂鼠裘甲卒狐狂擲羶褐我
客避門獨吟唔絮帽禁風靴袴裂東家借蹇踏九
衢塵滿兩耳目爲曦懷中漫滅繭生刺道上時遭
金吾喝賣文何處乞爲活午夜歸來凍欲折長鬚
睡熟叫不應殘杯冷炙空鳴咽憶昔共居桐山岫
汗湯何知有宇宙決澤崩山不可禦戢景藏采肆
殫究意氣干霄凌曹輩會合跌蕩憐杯酒有時脫
畧郊溪遊往往朝出暮歸西濯纓流觴忘主賓越
巘攀崖窮孤秀自從君去寄京華于今幾折長安

花我今百事廢不問冥心直欲駭麀麀聞人語音
捫碑斫忽忽山巔水之涯聞子憤鬱有所作燈前
喟噫嘗思家我昨策杖龍眠區山色秀削青芙蓉
瀑布倒挂一千尺雙峯蜿蜒如生駒清瑤明珥搖
碧落松桂柏杉相扶踈巔巖無復賓客至喧聒但
苦禽鳥呼君今日歸有意不我當刺刺營君居繪
布爲衫麥作飯晚食當飯安步車君擊鼓我吹竿
赤脚不用襪頭垢何用梳浩浩直與造物者遊安
期羨門徒區區朱輪冠蓋胡爲乎

援鶉堂詩集

卷一

送人還桂林

風帆一葉去依稀楚水初波夕照微江到衡陽秋
色遠數行淒雁向南飛
過嶺風高海氣多桃榔垂雨客初過風流不見南
園客秋草苔荒弔尉佗

洞庭曲二首送郭昆甫歸善化

何處湘江帝子靈孤舟偏傍暮猿聽淒涼玉女秋
霜曲神雨西風過洞庭
柳毅祠邊碧蘚封潮深舊井沒遺蹤瑤華滿袖湘

定臨一夜波涼泣小龍

山行

百道飛泉噴雨珠春風窈窕綠蘼蕪山田水滿秧
針出一路斜陽聽鷓鴣

春日奉懷方高度表丈

寂寥猶戀舊巢松却望雲波晚更重廿載天涯悲
老馬千金故技悔屠龍極憐人遠共明月無奈煙
深隔暮鐘北郭溪光仍似昔春來惆悵憶攜筇

無題

援鶉堂詩集

卷一

十一

雲耕瑤草佐山農迴望清都隔幾重自向神人呼
六博一時輸却兩班龍
甲帳香濃燃鳳膏西南遙望白雲高但令青鳥通
王母休悔千年啖碧桃

鄰里翁

市門佇立鄰里翁髮卷鼻隆眉茸目四時日著布
衲衣家藏千箱萬儋穀去年此翁年七十今年倚
杖還如犢井閭日薄爭鬻喧此翁掩閨進饘粥窮
子奔馳拾橡栗此翁日中食梁肉昨聞袒叫呼梟

盧肥并盤餐燕宗族奉觴跪祝壽千萬怡然持杯
自濡漉大兒已作咸陽尉怒馬鮮衣弓韞箠諸孫
飽食渾無事夷頰平膚身縮胸更聞隴西未撤屯
防兵明春次子更納官家粟丈夫如翁願已足人
生何事自躑躅涼踞角張招怨讐

對酒當歌行贈江生之中州

君對酒吾當歌一酌飲君雙紅螺人生如秉燭百
歲風中過鬱儀結璘更御軸安得魯陽令揮戈功
名樹立少年多老憶少年將如何白衣蒼狗須臾

援鵲堂詩集卷一

三

變眼前萬事如驚梭我初置身苦不早腰腹萬卷
窮饒劇胡廢越毳不易用土龍芻狗空駢羅故人
寂寞今舊雨世事幾度恒沙河丈夫坐而爲世用
皇帝王霸維殊科用則爲虎不用鼠愛竿鼓瑟寧
非訛江生十年爲處子履迹不踏庭前莎修幹豈
隨繁英萎棟梁自急撓雲柯君材非處人下者暫
羈轅伏詎蹉跎鹿生三年角乃墮黃鵠六翮空鞴
圓江生顧影休逶迤春風澹蕩柳絲拖雜花繞樹
嚶鳴和蒲芽茸茸魚躍陂牛腰詩卷瘦馬駝綠髮

垂鬢紛婀娜喙長三尺目如波王公倒屣鏘鳴珂
人生斯世貴適意高田種麥亦成穗安必他鄉盡
憔悴

塞上吟

烽火中宵望候障前軍已遇右賢王不知竟得單
于首可易燈前兩鬢霜

涼州辭

夜靜邊風倚戍樓誰家歌管唱涼州不愁客鬢秋
霜滿只恐雙鬢亦白頭

援鵲堂詩集卷一

三

贈族姪某

平生當着幾兩屐佳處都從句子搜近愛阿戎詩
興逸因知谷口林泉幽一重一掩吾肺腑某水某
邱君釣遊聞道栽花迷洞外他時愁誤武陵舟
有感

昆明不盡劫灰殘碧血何堪更索癰化彈化雞原
幻寄生程生馬總無端魂搗朱鳥關山黑月墮楓
林鬼火寒回首少微星隱處天街南北夜漫漫
仙官勅下隱居墟秘籍都歸百六餘鬼哭總緣倉

韻字劫過難辨郢人書西臺今日思云徹北面當時笑步舒江海不消精衛恨怒潮終古助靈胥

戲題扇頭畫

赤鯉何年化蒼茫信屈伸寄聲江海客休縱鼉爲神

戲題某公集

漏下燈殘賦八哀山邱零落幾低徊不知當代劉眞長識得興公面目來

題道援堂集後

援鴉堂詩集

卷一

十四

一夜朱明劫火然越裳文采等雲煙可憐白玉臺前叟空憶佳兒字八泉

事見廣東新語

曉發秋港

蕭寺晨鐘歇殘星猶向曙涼風吹我襟蕭條櫓聲夫沙禽拍浪飛漁父煙中語迴首數峯青不見泊舟處

晚泊

折疊煙篷住畫橈秣陵城下雨瀟瀟神鴉滿樹江

祠晚正及東風上暮潮

送人

片帆迷望暮煙微楊柳青青乳燕飛江上鶯花人去夢山中笋蕨雨添肥初經世路偏宜拙乍得萍交亦當歸珍重天涯寒食近客程何日授春衣

西湖竹枝

櫻桃樹下妾門前幾載湖邊學駕船今朝蕩槳門前過爛漫繁花劇可憐

鷺鷥雙飛鷺鷥食茄燕子霍棲燕作

去聲

窠秋采香尊

援鴉堂詩集

卷一

十五

夏采藕勸郎沽酒勸儂歌

西冷橋下喚吳船郎畏風波妾畏潮憑誰穩閣橋頭柱風雨生時儂上橋

日出湖東雞子黃湖中照見兩鴛鴦誰家擊鼓唱歌去西舍女兒新嫁娘

西湖女兒顏色殊采荷荷露濕衣裾田田莫道荷錢小遮得鴛鴦比目魚

花花開遍白公堤堤上吳孃唱竹枝山鳩逐婦晴喚雨不知何日定晴時

援鶉堂詩集卷二

桐城 姚範 南青

古近體詩四十九首

東方小坡時歸自京師

昔者吾鄉浮山叟，撐決雷電窺斗樞。讀書何止半
袁豹，識大往往侔貴與。願歎平生志，經史蒼萃漁。
獵徒區區方錢二子，豈不卓緝綴閒語，傷繁蕪。雖
然未能窺大雅，羅陳典籍勤爬梳。可歎少年喜謗
訕，此惟擁楹慙。明嫺夜郎那復知，漢大王粲不聞

援鶉堂詩集 卷二

一

列先儒萬事盡喜改，前軌從邁令人懷。彼都君家
白門老進士，後來卓落空羣愚。故紙不厭千遍讀，
六籍沉涵首可濡。春秋畧約追啖趙，三禮聞亦窮
雕鏤。義門已死榕村沒，靈光歸然魯劫餘。落拓京
華三十載，雞膚鶴髮困長裾。我嘗欲往從帳後，鼎
也柱車馬守閭。却歎懶惰不勤志，借口束縛拘籠
箴。君到長安已二載，樞衣應復鋤經畬。龍文炳煥
華陰土，文章藻飾功游睢。韓柳乃復憚殷陸，況如
吾曹憚繁迂。清明釀知白酒熟，社前摘得山茗腴。

君能十日閉小閣，爲說六藝破囚拘。我當載酒與
茗椀，澆君舌本如貫珠。

送小坡之泉州

夢斷江南春月空，蘭橈初動五更風。鷓鴣聲裡迎
梅雨，如火山花發刺桐。

塞下曲

孤城迢遞鬱嵯峨，慷慨關山出塞歌。萬里交河春
草綠，十年明月戍樓多。胡兒驅馬來青塚，羌女吹
蘆牧紫駝。五部名王歸漢闕，白頭中夜幾摩娑。

援鶉堂詩集 卷二

二

溫太真墓

障扇燈前事憶劉，尋陽慷慨獨登舟。英雄兒女溫
忠武，不記當時第一流。

扶風歌罷朔雲愁，亂起蒼鵝晉代秋。辛苦江東延
譽日，不堪回首望幽州。

滁州道中

匹馬南滁古戰場，亂山寶劍共蒼茫。英雄末路消
醇酒，更與樽前喚泰娘。

寄京中友人

燈殘雪沍罷談賓呵凍裁書報故人惆悵忽教殘
醉醒五陵裘馬九門春

寄若度

我友文通子清狂卧碧岑半篙春水綠一徑野航
深花鳥三春夢詩書百代心高樓空悵望相對雪
平林

寄方息翁

不見谿堂叟春來健勝無人爭投四本序已重三
聞以詩詞相
都就正者甚衆談笑熊羆却清音雛鳳殊近舉蕭

援鵲堂詩集卷二

三

蕭雙鬢白浩蕩寄江湖

送周旭之還蘇州

江水碧無際扁舟欸乃遲花經寒食雨人負豔陽
期落日要離墓春風短簿祠坐令芳草綠愁思怨
班騅

清明前一日時客
白下

細雨清明節經旬客閉關潮通瓜步水春滿秣陵
山南浦江離綠東臯雉子班田園村務急相待幾
時還

大觀亭遠眺

秋雨苦人懷聊出肆遊騎側聞亭觀壯舉步試登
觀幽篁抱累榭寒松隱重閣吟哈呀怪石列奮攫猿
猱臂坐覺胸臆動臨軒一開皆層雲豁猶密孤峯
時矯鸞司空混遠碧往往出奇勢二孤盤青螺嶽
峯還斌媚回首指龍山衣裾滴蒼翠大江日夜流
東海何時至波浪拍天浮暮靄驅風厲天吳挾文
鯢江妃紛珮璫攫網蛟龍奔謁促魴鮪避片帆何
處來中流從軒輊垂堂夙致戒矧乃輕涉利舟人

援鵲堂詩集卷二

四

固不覺旁睽我心悸躑躅微憫問悵然千秋喟此
邦昔戰爭樓船照烽燧雷霆懸衝車雲霞列兵幟
虎視金陵雄慘澹忠宣志嵯峨夾瀾汧怵怵古人
意我來屬時清尙墮艱虞淚三歎編簡陳一醉江
風麗

重啓皖江書院恭紀十二韻

聖治隆三極王風式八維羣方欣霑霽庶物盡炊
索賈董開綿絕桓曹冠羽儀僣僣來胄子奕奕振
儒師皖水雄南鎮潛峯亘異陲文翁存講肄安國

建書規相址存新構連阿異昔宜六經陳藝苑四
術肅臯比秋圃牽蕭艾春林刈兔葵堪甘鴉應革
萃長鹿還熙漢帝臺增迴司空岫益奇青襟無佻
達不誦在城詩

送客

鄒枚誰復有梁園萬里霜天策短轅落寞鄉情渾
未慣秋風身傍五侯門

寄京口友人

三月桃花水門前幾尺潮南園花事好將放秣陵

援鶉堂詩集 卷二

船

戲簡

餘不溪畔舊山家翠篠嵐煙映素沙何事詩囚孟

東野拋來愛踏長安花

春日旅懷

東風遙聽雁行回燕地寒多草未催白社酒殘人
乍病高樓夢遠雨初來朦朧市喚聲如鳥塵埋鈿
車殷似雷日暮誰家還弄曲望江南唱幾徘徊

過仲涵屬題吟室三首

空庭客到鳥聲謹隱几蕭蕭鬢影寒丈室雅宜摩
詰病閒房聊似碩人寬何須遠俗頻移榻未厭孤
吟徑脫冠怪底新詩風味好高情例應與都官

鄭若虛梅聖俞皆爲都官郎有明王李
諸公詩文唱和亦以官刑曹日爲盛

帝城車馬驚人海地隔塵囂擬彈丸金石閒評消

茗椀君內人工詩書雒誦勸銅盤猶子彩郎隨居
常自稍嫌地狹無花圃却愛鄰陰抵藥欄官好不

妨爲政拙羨君長奉板輿歡

鴻爪驚心故迹殘鷓鴣枝虛憶舊巢安西山小閣迎

援鶉堂詩集 卷二

朝爽南郭輕陰送暮寒蟲臂鼠肝空歲月牛渡馬

渤問衣冠獨憐此地蕭閒甚每到清吟抵漏闌

送吳青然歸全椒

凜凜秋云晚離懷那可聞登高望歸騎獨返盡斜
曛楚水寒多夢燕山黯易雲蕭蕭沙上雁天畔自
爲羣

送張滄崖歸合肥

久客惡別離中歲傷懷抱落日獨送君登高望鳥
帽